

# 2013 Brambrüeler

Dr Bischof Huander tuat jetzt gröber durastarta  
Bim Obigmol müand alli Schwula dussa warta  
So isch dr Pfarrer uf dr Kanzla – s' isch frapant  
Mit ziemlich grosser Sicherheit – a Proteschtant

As Asylantaheim in Laax – d'Idee isch guat  
Das sich doch Multikulti – und git frisches Bluat  
In Tavanasa lacht d'Flurina zu dr Klara  
Etz müand sich d'Maitli nümma mit da Önkel Paara

Das schwarza Schof vur SVP isch legendär  
Und wär das darstellt usazfinda isch nit schwär  
Zwor isch d'Frisur vum Schöfli no a bizzli struppiger  
Doch dr rescht vum Gsicht isch 1 zu 1 dr Zuppiger

Das neua Rasergetz hät schienbar grossi Lücka  
d'Oberländerpolizei kämpft mit da Tücka  
hän'd noch Ilanz a Radarmässig duragfährt  
und prompt a schnella Krankawaga konfisziart

Miar händ fängs Dütschi do - dia kasch scho gar nüm zella  
drum hämer d'Sprüchli hür - uf hochdütsch singa wella  
nach langem Hin und Här händs miar denn blieba loh  
susch würden Khurer Tschugger jo kai Wort verstoh

Uf dr Pishta z Brigels bricht a Zürcher z Bai  
D'Sanitäter khöman - dä will sofort hai  
Mit Blauliacht rasens Richtig Chur - as hät pressiert  
Und äba z Ilanz händs de Waga konfisziart

Dr Lys Assia gwacklen jetzt no d'Ohra  
Am Contest hätt si gega d'Heilsarmee verlor  
Nögscht Johr sött si vielleicht für Ägypta starta  
Dött hätt sie als Mumia sicher guati Karta

Das mit em Bankagheimnis han i wohl verbockt  
Sait d'Widmer-Schlumpf ar Sitzig und isch anakhockt  
Will dr Murer eh nüt checkt - hätt är nu glacht  
Und Doris Leuthard – dia hätt grossi Auga gmacht

Voice of Switzerland – dia Show macht mi ganz wild  
Do gseht ma d’Jury nit – do sind nur Stüahl im Bild  
Dr Schiva khönnti das Format doch überneh  
Simmer ehrlich – wär will dämm sin Grind scho gseh

Stop mit Tiarversüach – sait d’Novartis neulich  
Sie händ a bessara Proband – das isch erfreulich  
Im Gegensatz zu Ratta – das khunt ihna gläga  
Mag dr Armstrong doch viel meh Chemie verträga

Üsi Nachtigall vu Elm isch nit ds benida  
Wenn si tanzt erkensch – Si hätt a grosses lida  
Drum versuacht ma si natürlich ds unterstütza  
Si dörf jetzt Parkplätz vu Behindarta benütza

Wenn mini Frau vor ihrem Kleiderkashta stoht  
Denn durt das ewig - und immer will si roht  
Was söll i träga frogt si – wia gfall i denn diar  
Zum miar gfalla säg i – träg en Harrass Biar

Mini Krankakassa – Si dia spart sich fit  
Dia zahlt ds Viagra – doch d’Brilla zahlt Si nit  
Zum Bürofräulein han i gsait – sind si plemplem  
Jetzt kann i Vögla – doch gsehn i nit mit wämm

As Asylantaheim in Laax – d’Idee isch guat  
Das isch doch Multikulti – und git frisches Bluat  
In Tavanasa lacht d’Flurina zu dr Klara  
Etz müand sich d’Maitli nümma mit da Önkel Paara

Dr Bischof Huander tuat jetzt gröber durastarta  
Bim Obigmol müand alli Schwula dussa warta  
So isch dr Pfarrer uf dr Kanzla – s’ isch frapant  
Mit ziemlich grosser Sicherheit – a Proteschtant

Miar händ fängs Dütschi do - dia kasch scho gar nüm zella  
drum hämer d’Sprüchli hür - uf hochdütsch singa wella  
nach langem Hin und Här händs miar denn blieba loh  
susch würden Khurer Tschugger jo kai Wort verstoh

Das schwarza Schof vur SVP isch legendär  
Und wär das darstellt usazfinda isch nit schwär  
Zwor isch d’Frisur vum Schöfli no a bizzli struppiger  
Doch dr rescht vum Gsicht isch 1 zu 1 dr Zuppiger

Wenn i bim Zmittag – d'Abfahrt mit em Janka luaga  
So khunts mier vor als well dä numma Pischta pfluaga  
Und wenn er mit Verschpötig durch da Zielhang kracht  
Wartet mini Frau – scho längschtens mit em Znacht

Wenn mini Frau vor ihrem Kleiderkashta stoht  
Denn durd das ewig - und immer will si roht  
Was söll i träge frogt si – wia gfall i denn diar  
Zum miar gfalla säg i – träg en Harrass Biar

Mini Krankakassa – Si dia spart sich fit  
Dia zahlt ds Viagra – doch d'Brilla zahlt Si nit  
Zum Bürofräulein han i gsait – sind si pleplem  
Jetzt kann i Vöglä – doch gsehn i nit mit wämm

Dr Leibundgut hät wohl an Fläscha Spass  
Zerscht verkauft er Fläscha ständig über d'Gass  
Und hüt im Rothus - Sie do mach i miar fasch Sorga  
Seit är allna Fläscha ständig "Guata Morga"

Dr Lys Assia gwacklen jetzt no d'Ohra  
Am Contest hätt si gega d'Heilsarmee verlorä  
Nögscht Johr sött si vielleicht für Ägypta starta  
Dött hätt sie als Mumia sicher guati Karta

Maya Maya Maya mei miar sind verknittarat  
Will iar nid zella khönd hen miar doch alli zittarat  
I glaub dr letshti Maya isch no gar nid tot  
das isch doch dä wo d'Stimma zellt im Ständerot

Üsi Nachtigall vu Elm isch nit ds benida  
Wenn si tanzt erkensch – Si hätt a grosses lida  
Drum versuacht ma si natürlich ds unterstütza  
Si dörf jetzt Parkplätz vu Behindarta benütza

Stop mit Tiarversüach – sait d'Novartis neulich  
Sie händ a bessara Proband – das isch erfreulich  
Im Gegensatz zu Ratta – das khunt ihna gläga  
Mag dr Armstrong doch viel meh Chemie verträga

Dä österrichisch Spinner isch für mi a Held  
springt us dr Stratosphära - aba zruigg uf d'Welt  
doch dr Zuppiger hät no dr grösser Knall  
sitam Summer isch dä scho im freia Fall

Er heg a Tennisarm vum vial winga kriagt  
Drum hät hüt dr Benedikt demissioniert  
Als Papst wär är miar no sympathisch gsi - kai frog  
Doch ohni Titel ischs halt - numa no a Schwob

Das neua Rasergetz hät schienbar grossi Lücka  
d'Oberländerpolizei kämpft mit da Tücka  
hän'd noch llanz a Radarmässig duragfährt  
und prompt a schnella Krankawaga konfisziart

Uf dr Pishta z Brigels bricht a Zürcher z Bai  
D'Sanitäter khöman - dä will sofort hai  
Mit Blauliacht rasens Richtig Chur - as hät pressiart  
Und äba z llanz händs de Waga konfisziart

Voice of Switserländ – dia Show macht mi ganz wild  
Do gseht ma d'Jury nit – do sind nur Stüahl im Bild  
Dr Schiva khönnti das Format doch überneh  
Simmer ehrlich – wär will dämm sin Grind scho gseh

Am Fritig bir Arena – I vergizla fascht  
Dänn d'Madam Rickli isch döt Dauergascht  
Wenn si schnorrt ir Grossufnahm – es isch a Gnuss  
Und dr Ton – Dä schalt i eifach us